



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Collegiis Canonicorum Per Germaniam, Belgivm,
Galliam, Hispaniam, Italiam, Aliasque Orbis Christiani
Prouincias, Liber Singvlaris**

Le Mire, Aubert

Coloniae Agrippinae, 1615

Capvt V.

urn:nbn:de:hbz:466:1-11227

Tungrense porrò collegium auspicia sua refert ad *S. Maternum*, B. Petri Apostoli discipulum, Colonensium, Treuerensium, & Tungrensiū Apostolum, primumque Episcopum.

CAPVT V.

S. MARIAE COLLEGIUM CATHEDRALE in vrbe Parisiensi.

Religionis Christianæ primordia accepta ferunt Parisienses *S. Dionysio*, primo illius vrbis Episcopo, quem etsi plerique cōtendant fuisse Dionysium Areopagitam, ego tamen malim subscribere sententiæ Gregorij Turonensis, qui dicit Dionysium primum Episcopum Parisiensem venisse in Galliam Decio & Grato consulibus; hoc est, anno salutis ducētesimo quinquagesimo primo, iuxta calculum vulgarem.

Quis prima iecerit fundamenta Templi & Collegij Parisiensis, in tanta rerum vetustate difficilè fuerit affirmare. Ex monumentis illius Ecclesiæ constat per *Hercaudum XLII*. Episcopū Parisiensem temporibus Caroli Magni amplissimam Deiparæ Basilicam, (quæ cum admiratione à ciuibus & exteris hodiè spectatur) primū ædificari cœptam, deindè à *Mauritio LXX*. Episcopo Parisiensi temporibus Philippi Augusti, Galliæ Regis auctam, ac demum ab *Odone* Mauritij successore anno 1222. absolutam fuisse.

S. GER-

S. GERMANI ANTISSIODOREN-
*sis collegium Canoniorum in vrbe
 Parisiensi.*

Collegium ac templum istud olim extra,
 nunc intra muros vrbs Parisiensis sitū,
 initia sua debet *Childeberto II.* Franciæ Regi
 Christianissimo, eiusque coniugi *Vultrogota*,
 qui in honorem S. Vincentij Martyris illud à
 fundamentis excitarunt. Hodie dicitur S.
 Germani Antissiodorensis, estque non pro-
 cul situm à Lupara arce ac sede Regia.

COLLEGIUM CANONICORVM
Sacræ Capellæ in palatio Parisiensi.

Anno 1154. *Ludouicus Crassus* Galliæ Rex
 fundauit sacellum B. Mariæ de Stella,
 eo loco, quo nunc visitur, illa admirandi o-
 peris sacra Capella, vt vulgò nuncupant, quã
 anno 1245. S. *Ludouicus* Galliæ Rex ædifican-
 dam curauit. Idem Rex in dicta Capella spi-
 neam Domini coronam, cum alijs sacris reli-
 quijs à *Balduino* Imperatore dono acceptam
 anno 1247. honorificè collocauit.

Inter Canonicos primarius est *Theaurari-*
us qui ex singulari priuilegio intra ambitum
 palatij in Sacris Pado & Mitra vtitur.

S. STEPHANI COLLEGIUM
Parisiense.

Inter templa vrbs Parisiensis omnium an-
 tiqui-

tiquissimum habetur templū *S. Stephani Græcorū*, in quo hodie est collegiū Canonicoꝝ & parochia, olim intra, nunc extra vrbis muros. Tradunt id dedicatum fuisse à *S. Dionysio* Ep. Parisiensi, quem volūt Arcopagitā fuisse, atque è Græcia cum suis in Galliam venisse. de qua re vide Iacobum Breulium lib. 1. Antiquitatum Parisiensium.

S. TRINITATIS COLLEGIVM Canonicoꝝ in saltu Vicennarum.

Altero ferè lapide à Lutetia Parisiorum est nemus siue saltus Vicennarum muris vnde qua que cinctus in vsum Regiæ venationis. In dicto saltu visitur arx Regia, cuius facellum Carolus V. Gallix Rex condidit in honorè Sanctissimæ Trinitatis, & Beatæ Mariæ Virginis, addito Canonicoꝝ collegio: Diploma foundationis anno 1379. datum, existat apud Chopinum lib. 1. de sacra Politia tit. 8. Dotem auxit postea eius filius Carolus VI. anno 1408.

CAPVT VI.

S. MARIAE TORNACENSE COLLEGIUM cathedrale in Belgio.

Huius vetustissimæ Ecclesiæ velut auctor & parens habetur *S. Piatas*, Nerviorum Apostolus, qui Diocletiano & Maximiliano